



**Uma Pido
Pressiteedüs
26.05.2013**

Contra nakas´ pääle 334 kilomiitre pikkusõ lipujoosuga

26. mail kell 11 nakas´ Contra pääle lipujoosuga – võrokõisi lipp käü üten Contraga nädäli ao joosul läbi 334 kilomiitret ja tege aoluulidsõlõ Võromaalõ tiiru pääle. Lipp jõud kävvü egän Vana Võromaa 8 kihlkunnan ja kõrras ka sõsaridõ ja velli man Setomaal. Lipp jõud 1.juunil, Uma Pido pääväl, kell 12 Võro keriguplatsilõ, kon tuul aol om Uma Pido laat. Sama päävä ödagu om võrokõisi suur laulu- ja rahvapido Uma Pido üten vahtsõ sissepühitsedü lipuga.

Contra saadõti Võro keriguplatsilt pidoligult „trassilõ“. Uma Pido projektijuht Ursula Zimmermann ütél´, et Contra lipujoosk om nigu üte uja juuskminõ suurdõ jõkkõ. „Uma Pido suuv Contralõ ja võrokõisi lipulõ kaitstu tiid ja hääd kohalõjoudmist. Nigu Võhandu om tähtsä jõgi, miä köüt Vanna Võromaad, nii om Contra lipujoosk ku tähtsä jõgi, miä tuu Uma Pido ja võrokõisi lipu rahvalõ lähembäle.“

Juusk käü päämädselt müüdä suuri teid, kohe kõik üteneläjä omma kaema oodõt. Nii om kõigil võimalus anda uma panus lipu Umalõ Pidoõ jõudmisõs.

Contra joosutiikunda saa kaia „live“-n Internetist (lipujooks.tracklog.us), niisamatõ pandas Internetti päävä kokkovõttit video kujol ja joosu pildigalerii. Silmä mass pääl hoita ka sändsil kanaliil:

Contra blogi konnulacontra.blogspot.com

Uma Pido kodolehekülg www.umapido.ee

Uma Pido blogi umapido.wordpress.com

ja Facebookin „Uma Pido“ ja „Lipujooks ümber Võromaa“ lehtil.

Plaanit tiikund päivi kaupa om sääne:

26. mai: Võro Katariina – Rõugõ - Pärlijõõ – Krabi – Pähni – Varstu

27. mai: Mõnistõ – Saru – Harglõ – Koobassaarõ – Lüllemäe – Haabsaarõ – Antsla – Urvastõ

28. mai: Kårgula – Kanepi – Saverna – Krootusõ – Ihamaru – Põlva – Moostõ

29. mai: Leevaku – Råpinå – Kahkva – Niitsiku – Kamnitsa

30. mai: Orava – Võmmorski – Obinitsa – Lepå – Meremåe – Kalatsova – Vahtsõliina

31. mai: Kårinå – Misso – Ruusmåe – Plaani – Haani

1. juuni: Võro

Contralõ and juvva Vårska Vesi ja juuskmist tugõva ka Nopri ja Taarapõllu talo.

Uma Pido om võrokõisi laulu- ja rahvapido, mink mõtõ om jaada võrokõsõs olõmisõ ja uma keele ja kultuuri tundmisõ rõõmu. I Uma Pido oll´ 2008. a Võrol, II Uma Pido 2010. a Põlvan, timahavanõ om jälki Võrol Kubija laulukaarõ all. Pidokotussõ vahelduminõ Võro ja Põlva maakunna keskuisi vaihõl näütäs Vana Võromaa üts-olõmist. Vana Võromaa aoluulidsõn kultuuriruumin omma 8 Lõuna-Eesti kihlkunda: Harglõ, Rõugõ, Karula, Vahtsõliina, Kanepi, Urvastõ, Põlva ja Råpinå.

Teedüsse and´ edesi:

Mari-Liisa Parder

III Uma Pido kommunikatsioonipåalik